

難陳喜崔光笏俱死並團練殉難之張瓚等諸士民也孝悌如丁重新陳森賈生才馮經世陳枬馬煌王夢瑞胡德羣義行如崔樾胡時雍亦皆難能矣

凡此四者因從祀須先補旌雖未似鄉賢之難要亦未可過多故茲第舉其尤若皆已旌則卽如節孝婦女之悉祀無不可矣惟唐初棣州人任敬臣徐文亮各州縣志不載鹽山志且略辨其舊志誤錄考沿革門隋唐間棣州曾涉於郡南鄙則前人非全無據故人物仍存兩人惟究應祀何地未能夫俎豆之事關於勸善考實不敢臆斷只得闕如夫俎豆之事關於勸善方今津門爲三輔大帥戲下非但儼似劇郡稱首

重修天津府志

卷三十四

聖光緒戊戌

其所宜興宜革豈無急於此而顧沾沾者修書之職存焉耳觀於鹽山志名宦鄉賢皆言之而未卽舉又可見所能亦盡於昌言固莫必其行與止矣

重修天津府志卷三十五

考二十六

經政九

學校

天津府天津縣附郭

府學在東門內本天津衛學明正統元年提學御史程富奏設左衛指揮使朱勝將住宅施爲學宮首建明倫堂及志道據德依仁游藝四齋明失名津衛武學明倫堂記節錄天津三衛未有學正統紀元以武臣子弟皆將繼其祖父之職業以効用於時不可不素養而預教之乃命天下凡武衛悉建武學而立之師選武官與軍士子弟之俊秀者充弟子員於是天津及左右衛始有學首掌學事則司訓曲阜李君賜也君爲列教條正句讀導進退諸生蹈矩履維謹閱再期教授展山劉君俊司訓杭州詹君穆同來蒞學相與協力以作倡之乃者侍御程公又以老成宿學奉命督學事從而激勵之諸生咸思自奮發以期底於有成於茲蓋六七年矣余嘗以公暇詣學進諸生于明倫堂見其循循雅飭進止有序竊喜學校教養之有益於人也因若是哉教授劉君因以明倫堂記爲請余辭勿獲敢以爲諸生告按明代天津衛有儒學有武學儒學有教授訓導武學但擇武舉一人爲科正是文實記儒學以所教皆武官軍士之子弟故亦稱武學又其時武學十二年大成殿成天順二年戶部員外郎監督軍儲解延年增建兩廡明汪建天津衛學兩廡記節錄天津設學始於正統之元年其時文教未興規模未備雖創建文廟而兩廡未立迄今二十餘年景泰丙子領教以來顧茲缺典未嘗不爲唏噓發歎也天順戊寅適戶部員外郎被震解公延年監督三衛軍儲謁廟之餘以補漏爲任乃首捐己俸爲倡又集三衛官僚各出

重修天津府志

卷三十五

學校

光緒戊戌

一俸有差於是耆老高仲夏蔣英高冕輩聞之通相播告以樂助之凡材用之出入潤實掌之經始於是年三月落成於七月計若干楹設木主造香案如儀又以餘資增置正殿龕案重修櫺星門皆以次成庸是謹具本 弘治八年天津道劉福修明末歲月以爲之記

倫堂展出前二十餘步修兩廡及四齋正德十一年天津道高嶼重修四齋築牆垣射圃嘉靖四十

四年天津道黃中初建名宦鄉賢二祠萬曆二十

九年巡撫汪應蛟重修明文球重修天津衛學碑

矣而士之孕靈毓秀致身青雲者濟濟不乏焉惟是歲月遼遠風雨震凌棟垣摧圯丹壁漫漶幾不學矣大中丞汪公以備兵至未幾秉受節鉞而開府焉首事學宮估值捐俸而下之檄爲文武倡諸凡更始悉以授觀察使張公張公體此意借不佞親詣視之凡至再歸而語不佞曰余家世東省闕

重修天津府志

卷三十五

學校

二 光緒戊戌

里規制暗闕頗不謬學宮有泮池制也門可近市詳乎殿可就卑下乎文昌祠可任其湮沒乎啟聖祠與名宦鄉賢可祀於廟之前乎總之非體也遂集董事諸員役爲之鑿池爲之易門爲之崇殿基爲之建文昌祠於東移啟聖祠於後而遷名宦鄉賢組豆於學之旁焉專其責於清戎李郡丞無一不布置惟謹衛中諸將軍皆斌斌質有文者各率麾下鳩工庀材趨子來而襄盛舉甫滿月工告竣矣汪大中丞公名應蛟源人張觀察崇禎元年使公名汝蘊章印人李郡丞咸甯人崇禎元年天津道石聲諧重修明徐光啟重修天津衛學記

傾圮客歲閩南石使君奉飭備兵於茲甫下車謁廟周覽慨然以崇修鼎新爲己任旋值羽檄旁午倖倖未遑戊辰春政通人和使君亟撤清戎王都丞專董厥役郡丞饒材幹毅然承之朝夕以費舍爲署分任弁吏程其功經始於初夏落成於季夏工甫竣使君復捐十萬餘緡爲津創置雍陽邑腴田二百畝用資寒生之弗能舉火婚葬者使君諱聲諸西成人癸丑進士王君諱秉衡平涼人別駕蘇君諱鴻踰蓬溪人例得並書

國朝順治十年巡鹽御史張中元等重修高爾儼重

學碑記節錄津故襟海而治距漕河不數百武而城而隍郭以內去東門數武孔子廟居焉廟建於正統間橫亘古道盤旋蜿蜒水沿青海陸走黃塵而吳楚縹緲巨艦風颶四瀝每疾風怒雨欲野歎雲呼許呼耶震撼颶颶致使殿廡如塞漏卮而沃迄今凡二十餘禩要亦遞修遞弛如塞漏卮而沃焦釜則何裨焉順治癸巳春適經柱史張公中元巡歷至是謁夫子廟對越之頃不勝欷歔既而歎

重修天津府志

卷三十五

學校

三 光緒戊戌

曰此吾儕根本重地亦若傾圮耶遂捐俸一百金並前柱史楊公義二百金爲重修津學宮費時總戎管公効忠甘公應祥計使君蘇公霖陳公襄鹽憲使徐公來麟兵憲李公呈祥鹽使者牛君藩劉君進禮各捐俸數百什金又有顯人大賈暨本岸諸博士弟子員輩俱各仰承上之德意亦皆欣然輸助又有學博呂子應兆齊子國璧卒庠弟子數人會計貲值核功績躬勸厥成不置餘力而兵憲公獨以身總核其凡於是鳩工庀材百堵皆作工始於癸巳之春二月告竣於季夏之六日而後先董斯役與夫諸執事爵里名姓俱載碑左是爲記

副使李呈祥重修考職官天津道李呈祥於順治十一年已易任不合故刪 蔡啟盛案盧見會記言自順治十年至康熙四十七年而修者四 康熙八年巡鹽御史李棠等重修李棠重修天津衛儒

熙七年戊申借孟公巡鹽長蘆受蒞茲土往昔鹽使者留居邸舍開巡行之役一再至津門而余軫

而竈之艱難念吏獎之叢蠹大欲整施釐剔之始
 請駐節於斯以朝夕經紀其政下車之始謁先聖
 於學觀廟貌摧頽堂廡圯壞慨然於文教之不振
 思有以倡率而鼎新之視事以後搜宿弊除腹削
 省額外之科斂商竈稍稍甯息民計藉以安堵乃
 首捐薄俸庀材鳩工諏吉興作自運使以下聞風
 樂趨諸紳士與慕義之民交相鼓勵畚揭如雲斧
 斤雷動至康熙八年己酉三月而告成乃錢貞珉
 以紀
 歲月十二年天津道薛柱斗重修四十七年重修
 雍正三年衛升州因爲州學九年設府因爲府學
 十一年巡鹽御史鄂禮知府李梅賓知縣徐而發
 重修
 蔡敬盛案前志引通志縣學在府學西雍正
 十二年總督李衛建殿廡云自後有兩學皆
 並修故縣 乾隆三年知府程鳳文重修明倫堂
 學不綴
 重修天津府學明倫堂記節錄天津舊屬衛地其
 學躬建於前明正統中屢廢屢葺
 重修天津府志 卷三十五 學校 四 光緒戊戌
 國朝雍正閒由衛升州由州升府學宮則仍其地不
 改第歲久勿治陳丹暗粉難爲觀美前守桂林李
 公撤而新之獨明倫堂舊址畚築不堅構榑欹仆
 今太守程公以龔黃之治行出守是邦撫卹噢咻
 兆庶康悅朔望則率其令長及郡學博士謁先師
 廟集諸生而訓迪之顧瞻斯堂將就傾圯慮無以
 爲宣化地也急割俸錢若干而益以廩膳羨貲詎
 日庀材凡楣楔枳桷榑栭采廬之屬或棧或堊百
 廢具興肇工於乾隆三年二月日告竣於五月日
 堂既成諸生謁予請記予謂是舉也用不濫材工
 不曠役施之而得所先務不容以不文辭爰撫其
 本末并推原賢守以經術爲治術之意而鏡之於
 石
 八年鹽運使倪象愷重修十六年鹽運使盧見
 曾重修
 盧見曾碑記節錄天津東距大海洋船鹽
 筴百貨之輻輳又自明以來爲軍衛之地
 其改爲州治因而升府幾三十年人心風俗之漸
 染於功利猶有未克丕變者所以崇奉學官習祭
 菜鼓篋之儀以播弦誦之雅化視他郡尤爲亟政
 理之要莫有先焉歲辛未余遷長蘆鹽運使始至

釋奠仰瞻殿壁彫剝門廡欹斜櫺星門內外水齧而蘆茂席板以渡迺得進而瞻禮頽垣通市完者亦卑不及肩爲慨然太息者久之謀修建於臺使者高公恒公曰吾志也按察司副使董君承勳知府熊君繹祖聞之交贊其事迺簡官司之能受功者率作興役疏其水而去之使無復淤澁其草而絕之使無復茁垣宇所設增其庫植其傾木石所施汰其朽任其壯潔之聖之是役也經始於乾隆辛未七月其落成則以十月庚子凡八十五日而畢工計財用之費爲金一千一百有奇云抑考天津於明之正統始建學宮歷景泰至崇正二年而修者五我朝自順治十年至康熙四十七年而修者四雍正九年同治十年知府李君梅賓修建府縣兩學迄今甫十八年而修者三是何後之修者若是其亟歟余維津爲水鄉水不治則壅壅則地潰宮之垣墉屋舍因以頽圯官斯土者苟其以時疏濬而葺治之母視爲緩圖斯則余之所臨文興歎而不能無望於同治二年蘆商楊成鉅縣人張錦文後之人者也

重修天津府志 **卷三十五** 學校 五 光緒戊戌

等重修 前志參縣志 吳惠元重修郡邑學宮碑記節錄粵楷津郡學宮建自前明正統間

初爲衛學

國朝雍正三年改爲州學旋改府學至十二年開府李敏達公復請於府學西增建縣學規模宏敞由來舊矣壬戌冬蘆商會議復修計引出貲庀材鳩工自府縣兩廟前後兩殿兩廡兩祠以及大成門凡龕座香案門櫺簷廊屬在木工一時並舉時逾四月貲近五千而神位於是各安至於櫺星門泮池橋文昌祠奎星閣禮門義路堂階垣墉有基者少應創者多籌款無從厥功莫繼邑人張錦文慨然任之爰請各官捐廉以爲倡凡前之未逮者創之因之雕聖之丹牖之計自

癸亥四月至甲子五月工竣

學額原額歲科試各取文章二十一名歲試取武童二十五名咸豐三年因團練出力保全城池加廣文武額各五名自咸豐六年歲試始廩膳生四

十名增廣生四十名一年一貢縣志參學冊

長蘆商竈兩籍重經鹽運使考取彙送學臣附河

間考試取撥河間府學設府後改撥歸天津府學

原額文武各取十二名商竈各六名康熙五十二

年加廣文額二名合前十四名商竈各七名武額

仍舊同治五年因捐輸加廣商籍文武額各六名

竈籍文武額各一名自同治六年歲試始廩膳生

二十名增廣生二十名廩生向不食餼並不挨貢

自雍正十年總督劉於義奏準二年一貢前志參長蘆鹽

法志縣志

重修天津府志卷三十五 學校 六 光緒戊戌

縣學在城東門內府學西雍正十二年總督李衛

題建縣嘉慶二十一年縣人董岱等重修同治二

年與府學同修同上

學額原額歲科試各取文章十八名歲試取武童

十五名咸豐三年因團練出力保全城池加廣文

武額各三名自咸豐六年歲試始咸豐八年因縣

人張錦文捐輸加廣文武額各三名又因續捐加

廣文武額各一名均自咸豐九年歲試始廩膳生

二十名增廣生二十名二年一貢縣志參學冊

校士館一名試院雍正十一年鹽院鄂禮捐俸創建同

城職官并紳商悉有捐資在東門內南隅前志嘉慶

二十一年天津府知府張大維督同候選州同陸

芬捐資重修道光十九年天津府知府恆春督同

邑人王文通黃士琳捐資重修縣志

學田河北地共八十一畝六分前志

尖山莊地共二十二頃五十畝同上

武學初設西南城角樓上萬曆四十年天津道高

邦佐移建城內西北隅三衛掌印指揮張文學趙

如祖楊大慶監修每三歲試騎射論策掄數十人

入學擇武舉一員訓之名曰科正事專董於兵備

重修天津府志卷三十五 學校 七 光緒戊戌

道不隸學使者武生能文中學院試者復得進儒

學前志引衛志河間府志

國朝雍正十一年巡鹽御史鄂禮知府李梅賓重修

後裁歸儒學縣志

三取書院在三岔河東岸舊為趙公祠康熙五十

八年修築瞿黃口岸其地適當隄尾乃建書院乾

隆二十年縣人王又樸與士商捐修學舍十二間

每歲經費由商款捐領欸項內支給嘉慶六年衆

商重修同治七年洋人借住於此移置河東鹽關

廳後光緒十三年經通綱商人拓地改建縣志參長蘆鹽

法志

問津書院在城內鼓樓南乾隆十六年長蘆鹽商

查為義施地鹽運使盧見曾建屋五十九間

津書院碑記節錄通都大邑往往設有書院士習

京師左輔顧闕焉未與余病之前太平府通判查

君為義告余曰家有廢宅在運署之西南隅其地

高阜而面陽形家以為利建學蓋從之從從白鳩

總督方公觀承署鹽院高公恆均報可爰庀材鳩

工位其中為講堂三間前為門後為山長書室

而環之以學舍凡六十有四間計費白金二千四

百有奇經始於乾隆十六年辛未八月落成於十

七年壬申二月適吉公慶來視鹽政為延名師立

教條入學鼓篋宵雅肄三寶禮成容止有秩越

翼日諸生踵門謁請所以名是書院者爰進而詔

之曰若濱海亦知夫海乎孔子之道猶海也學者

漸至乎道而止今之制義其津筏也學者因文見

道譬如浮海者正趨鼓楫候勁風揭百尺維長綯

挂帆席然後望濤遠決乘蹻絕往以徐臻乎員嶠

方壺蓬島之勝若自屈而返與終身於斷港絕潢

而不能達者皆不能得其津者也今姑導使問焉

毋致眩惑於沙洲之雲錦遽忤於暫曉之蜩像則

庶乎其不迷於所往矣因述緣起而名之以問津

重修天津府志

卷三十五

學校

生息項內支給乾隆五十七年鹽運使嵇承志重
修嘉慶六年眾商重修光緒二年鹽運使如山增
學海堂經古課縣志參長
蘆鹽法志

輔仁書院在城西北文昌宮旁舊為海潮菴道光
七年縣人侯肇安等捐建天津道金洙撥款生息
知府陳彬知縣沈蓮生捐貲置地收租為歲用經

費縣志 金洙輔仁書院碑記節錄道光七年歲

辰郡人士重修文昌宮落成二月三日恭逢帝君誕

辰率屬設祭周視殿廡規模煥若時董其役者為

邑紳侯君肇安王進士天錫梅舉人成棟道來白

日廟宇既成擬將聚士林會文其中以立月課余

聞之欣然善其意之有當也為的立期望兩課朔

日齋課郡人公捐辦理望日官課分道府縣三衙

門輪流閱文隨意捐廉以為獎賞飯食之用黎明

齊集日暮交卷行之其年人數絡繹加增其中二

三翹楚學有進境轉歲列優等者七游泮者九未

可謂無成效也因思不有經費終難垂久細為籌

畫撥借庫款大制錢入千串發貸庫生息每歲息

錢半歸庫本半充課用時郡守陳公捐施地九百

餘畝邑令沈公捐施地二百餘畝歲入其租用助

膏火就廟旁海潮菴立為輔仁書院甄定生童額

數入十名酌議條規入則學規十六則交執事人

等遵照辦理議甫定郡人士請記於余以示將來

會文書院在城東門內倉廩前同治十三年鹽運

重修天津府志

卷三十五

學校

使祝壇知府馬繩武縣人襄舉信等建

馬繩武建立會文書院碑記書院為造就人材之

地我國家崇儒重道文教誼敷其自通都大邑以及僻壤

遐陬莫不奉為良法俾多士肄業其中人文於斯

稱盛焉天津地濱東海沃壤甘邑人士麟麟炳

炳之暇課士於輔仁書院佳文林立美不勝收此

外尚有問津三取兩書院與輔仁鼎峙為三數十

年來科第之勝甲於他邦大抵得力於書院居多

然皆為生童而設孝廉不與焉甲戌冬邑紳婁貢

生舉信稟請於文廟之後議建會文書院專課舉

人子深嘉其意為促成之惟事經創始經費頗難

適祝觀察壇署任鹽運司篆情殷樂育準由運庫

雜款內歲撥津貼千緡著為常例作每年膏火雜

費之用並倡率同寅捐貲助除建造課士學舍

製買院中器具外其餘資發貸庫生息以備不怠

之需如再有不敷仍由本府籌款補足一歲課試

日期按迎司津海關道天津道本府及分府縣令

輪轉每課獎賞各官自備至院內一切應辦事宜查該貢生妻舉信公正廉明堪以經理並約舉人教習知縣陳增宗學教習陳法錄舉人楊光儀候選訓導王錫恩舉人李金海附貢舉人楊光儀年協同辦辦斯舉也幸與廉舉孝之英賢成敬業樂羣之盛事尤願諸君子顧名思義互相觀摩行見通經致用後古錄今不特為閭里幸實足為邦家光也是為記

稽古書院在城西門外稽古寺俗呼鈴鐺閣光緒

十三年知府汪守正縣人楊雲章等改建

創建稽古書院碑記天津郡城西北隅稽古寺向為文人會集之所自光緒五年寺僧沙圓不守清規變產浪費經紳士崔銓等公同稟送前署府吳訊明勒令沙圓還俗一切廟產撥歸書院事不果行歲丁亥三月寺僧普澤復蹈沙圓故轍盜典廟產該紳士崔銓等遵照前案稟府核辦維時普澤間而潛逃寺已無僧崔銓等遂敦約邑紳楊雲章等十餘人沿該寺稽古之名為設立書院之請又

重修天津府志 卷三十五 學校

以津郡各書院均課制藝試帖不及經古雖學海堂有經古課亦祇寓於問津書院中從無專課經古書院因請以此書院專課經古將以講明正學實事求是於是在焉惟創始後經費漸絀未充每月祇考官課未立師課俟日後經費漸裕延聘山長務以主講為先月課次之肄業者聽其住齋日給膏火俾得專心積學養成遠到之才蓋眾紳講明正學實事求是之本心如此縱未能刻期集事然始基已立踵而行之不十年必有可觀者矣議既定擬就章程若干條稟請核示余嘉其立法之善而用意之深且遠也爰就所擬章程量為更定詳請各憲輪課於以表彰實學培養真才甚盛事也惜未及開課事別而楊君雲章道山嗣經眾紳和衷商榷事秉承於余復以經費待籌向余一再請余為籌捐千金令邑紳集捐各款共三千金發質庫生息俾充月課經費又於羊行經紀歲餘項下歲撥洋錢一千二百串作為建造講堂學舍及歲時修葺等需經久之模畧具於此至於續籌款項逐漸擴充則後之官斯土者當有能任之者耳抑余尤有望者凡事易於圖始難於成

終是書院既以山長主講肄業仕齋為務則自今以往經畫正非易易願眾紳一乃心力共底成功母稍即於因循苟安於闕畧即爾肄業人等亦各宜讀書立品毋或囿於時趨焉斯則余之所厚望也夫是役也折衷羣議有開必先者楊君雲章也首捐鉅貲為眾紳倡者黃君翰單君文王君自新也始終區畫必躬必親者張君翰單君文王君承勳張君才淑艾也其協力贊助相與有成者則崔君才銓吳君茂才蔚文胡君茂才象樞王君才世懋王君士俊朱君世鎰也並勒貞珉用示來者是為記

天津試館在京師正陽門外東珠市口同治三年商人華集成及天津各紳商捐建其按年歲修等費經鹽運使克明詳定在領告雜費項下撥銀二百四十兩以資津貼縣人沈兆澐有碑記

重修天津府志 卷三十五 學校

義學 一在城內東北隅雍正七年巡鹽御史鄭禪寶建每歲束脩銀六十兩運署公費項下支給縣志 一在東門外南斜街雍正九年鹽運使彭家屏建每歲束脩銀六十兩運署公費項下支銀二十兩商人金義泰來號捐銀四十兩案此二處今應即在後載運署 一在總鎮署前雍正九年總兵義學十處之內 一在城內西街雍正十一年建 舊志 一在城內西街雍正十一年建 一在東門內 一在北門內大儀門口俱康熙四十七年天津道李發甲詳建有地在葛沽歲入

租銀租米支給四館前志

運署義學十處城內五處曰集益設在節孝祠曰博文設在牛痘局曰廣業設在蕭曹祠此皆官房又曰務本曰約禮城外東三處曰養蒙設在河東瞿黃口蠶桑局曰興仁設在鹽坨義地看守房亦皆官房又曰正誼西二處曰尚志設在南閣曰修道設在雙忠祠亦皆官房其非官房之三處皆僦寺廟或有遷移又總塾一處設在會文書院即曰會文均係同治四年運使克明創置八處光緒九年運使額勒精額增益采訪冊

重修天津府志

卷三十五

學校

光緒戊戌

闕道署義學九處城內五處曰崇禮設在考棚官房又曰崇訓曰崇仁曰崇本曰崇德城外東三處曰崇化曰崇術曰崇業皆僦寺廟西一處曰崇道設在稽古書院官房又總塾三處曰崇文曰崇正曰崇敬皆設在會文書院均係同治十年津海關道陳欽創置別有鈔關義學四處其名未詳同上道署義學二處光緒八年天河道額勒精額商諸運司籌款建設義學二十一處內津府屬共十處在天津縣二處曰允仁義塾裕仁義塾案又葛沽前有義塾一處光緒二十一年增設一處經費係

撥款存典生息采訪冊

府署義學二處光緒二年知府馬繩武建曰興仁義塾在會文書院曰興讓義塾在貢院案大沽義學名忠正義塾同治十三年署海防同知宋寶華詳院立案以生鹽船出入向收稽查費每船津錢一千九百文現經核減祇收六百文並以其半充義塾經費采訪冊

縣署義學四處一在忠義祠一在文昌宮一在大佛寺一在城隍廟同治四年知縣楊國杞捐建義學田 葛沽地共五頃一十一畝七分二釐內

重修天津府志

卷三十五

學校

光緒戊戌

房身場園地七十二畝三分六釐除建屋外淨園地五十四畝五分共納租銀二十二兩三錢二分莊房八十二間除倒壞房及官房碾房空房莊頭住房不起租外實起租房五十八間每間租銀六錢內撥莊頭每間工食銀五分并完地糧銀四兩八錢二分每年實收租銀二十七兩八分水稻地四頃十三畝九分六釐內除無租硬地四十五畝六釐又撥莊頭工食地三十畝實起租稻地三頃三十八畝九分每年納租米九十三石二斗五升雍正四年天津道每畝減租米五升每年實收租

米七十六石二斗五升二合五勺同

青縣

縣學舊在城內元末頽廢明洪武初知州瞿子貞

重建四年知縣李敬移建城外衛河濱永樂三年

知縣蘇俊弘治三年知縣劉素十四年知縣周忠

俱重修萬曆十三年因逼近衛河知縣王思賢移

建於西舊通志參縣志明馮琦青縣改建儒學

詔天下郡縣置學青縣故號澤國隸渤海郡洪武初

時水漫守者罔計負薪沈璧則為徙廟入城郭外儒

學乃居舊治東去河彌近浩浩河多土每觀汪洋

太息往往令亦數志改建欲請諸上則念工役浩

繁百姓告窶莫可支且以長吏諸督責事交關旁

午未報吏胥憚恐後以土木貽他日罪狀竟無

重修天津府志 卷三十五

學校 西光緒戊戌

敢首議者而水勢決益甚漸且圯不可振王尹

南蒞青即視學謁先師周視而歎曰奈何以吾夫

子宮牆置波濤間乎遂請於郡守錢君錢君重文

學首肯王尹議乃議發帑金三百餘元鳩工改

建廟於舊縣治地而守道王君及錢君王尹相與

捐贖金以助不給不日而廟貌更新焉祠廟舍

靡不畢治事竣錢君走簡屬子為記子故樂得而

書之 明鄭宗齡重修青縣儒學記節錄青縣故

稱青州洪武初知州事瞿子貞奉旨創建學宮

久之傾圮成化間蘇尹俊復修之顧其地迫御河

水一漲溢輒衝圯頃之王尹思賢至謁顧咨嗟

者久之為請於兵憲帥公曰某待罪下邑不能昭

宣令德使諸生抱遺經托處傲宇甚不稱朝廷崇

公以代至區畫主持捐俸佐費為慮甚周郡太守

錢君推二公意即以其事屬王尹王尹奉命惟謹

徵材商度乃移於舊址之西大成殿戟門櫺星門

舊皆土瓦今以琉璃易之殿堂門宇齋廚亭舍秩

秩改觀又新創尊經閣文昌祠泮宮悉如制兩廡

故十二楹今增十四堂後故無室今增其三緣以

周垣飾以丹堊費省而工成工成而登制科者應焉乃徵記於余 蔡啟盛案徵到縣志漫漶而前志不錄鄧記故無可校補

國朝乾隆三十四年知縣李廷樞四十二年知縣桂

正順五十九年知縣袁璣嘉慶四年知縣孫宗椿

俱重修縣志

學額歲科試各取文章十五名歲試取武童十二

名廩膳生二十名增廣生二十名與濟歸併廩膳

生十名增廣生十名二年一貢縣志參

學田大輔莊地十頃房十間明萬曆三十一年縣

人姚泳捐置縣志明萬曆世置學田記節錄青

重修天津府志 卷三十五

學校 西光緒戊戌

泳縣學廩生夙以學行者急施子辛丑十月余將

有事學官生謁於余曰願捐大輔莊地十頃房一

院入之公而命之曰學田計每歲入以飭祭器修

垣宇內歲出以贍貧生或有神也余喜之曰義哉

生乎查其地出縣方三十里而非遙邇其等中

與窪鹹者不類民劉應時等佃焉惟是地內稅糧

除之便余以諸生計白之當路時汪先生晉少司

空階未去其境報可第地稅可免而正糧不可免

仍照縣賦則每一畝令佃戶輸銀入釐其徭銀攤

之於縣云又議租柴之入首貢生主之此照府收

學租例收支糧草季報循環庶可憑稽覆而免侵

冒誠慎之已上之督學使者高公報曰可田東至

石國柱南抵甯文元西接李允中北接劉應節各

地為界共十頃上有房一院凡十間每歲租一百

國朝順治七年因地荒仍為業主承種康熙十二年編入民冊行糧泳會孫姚廷亮姚則虔等控告經

重修天津府志

卷三十五

學校

光緒戊戌

天津道薛柱斗審斷改正判牘附錄審得生員姚子孫於故明萬曆三十一年間捐入學宮歲收租穀百二十石薪千束有年以飭祭器飾垣宇凶歲以贖貧生佃輸收支經畫詳密其時縣令聶世潤復立碣鐫文垂之永久夫豈不欲世世子孫恪承先志而弗替乎迨明鹿失取與朝定鼎草昧之初經理無人拋荒日久事或有之順治七年姚沐有二門會孫鳴虞者藉口開荒據為己業迄今二十三年所在闖學士子以為姚氏所捐之田而姚氏子孫亦有之可置勿問而姚氏子姓又謂名存則實存亦因循不較及今奉邑志草創告竣將學田一項改為地荒遺果仍招業主承種編入民冊行糧是前此雖無其實而猶存其名今則名實俱失姚廷亮姚則虞等為承長門會孫上欄學宮之祀廢修茸無資下傷祖宗之義施湮沒不紀所以一倡羣和環起而攻之也無所壘然二十三年之籽粒亦可酬其牛種之資矣鳴虞不自省其過舉乃反談過於父且謂父命當遵夫祖與父孰重而孰輕捐施與佔鄰又孰是而孰非鳴虞不權事之輕重是非承祖之志幹父之蠱而妮妮辨析者何為也試問姚氏子孫今之蟬聯簪序而輝映鄉國者又孰非乃祖好義之報而忍使崇敬先聖之功嘉惠後學之意一旦漸減而無餘耶且其控者原非為私則受控者豈得為公庭審己明道訊無異應將此田十頃斷自十三年為始另募佃種歲收租薪俱照當日原議石刻支用鳴虞再不得過而問焉應納賦課俱於歲收內辦抵自與鳴虞無涉至一應承佃之人收貯動支等事仰清軍廳檄行該縣傳集諸生公議妥確報道存案務為經久之圖勿開侵冒之實仍將縣志內編入民冊字樣即為改正其本道審看情由亦令載入志內以成鐵案用表前徽逐一遵行俱毋違錯

縣志

會川書院在城外城隍廟街乾隆四十九年建縣志
永安書院在縣城東關咸豐六年知縣盧寶臣教

重修天津府志

卷三十五

學校

光緒戊戌

諭張勝亨訓導謝棠等重修同光緒十九年縣人甯世福遵其父大林母胡氏遺命捐銀一千兩二十一年續捐銀二千兩經知縣姚為林置買徐李莊廟地十五頃餘畝招佃承種收租鹽運使季邦楨復撥公款銀二千兩發商生息歲入租息充書院經費

社學舊在儒學南知縣邵用移建城內今廢縣志
義學在東關康熙五十三年建今廢同上
道署義學曰安仁義塾光緒八年天河道額勒精額建

靜海縣
縣學在縣署東南明洪武初建舊通志
崔衍成化中知縣劉照嘉靖中知縣普濟時俱重修天啟五年署知縣張懋德營泮池

國朝康熙三年訓導辛起尹十一年訓導馬方伸相繼修兩廡咸豐三年經寇毀同治十一年知縣鄭士蕙重建縣志

學額歲科試各取文章十八名歲試取武童十八名廩膳生二十名增廣生二十名二年一貢縣志

學田灘子頭村六頃十五畝王家庄三頃二十一畝歲租均歸儒學經理縣志

瀛海書院在北門外永豐街道光丙午重修縣人

唐淑撰碑記同上 按 記文失載

義學 一在獨流鎮初名養源義塾雍正五年建

同治九年縣人岳山重修十二年知縣鄭士蕙置

旱田二頃有奇光緒七年知縣陳以培置水田四

頃有奇以備經費十七年知縣官昱以田皆被水

租無所出月捐津錢八千歷任因之二十年知縣

史善詒復按月加捐津錢二千均經立案更名一

重修天津府志 卷三十五 學校 光緒戊戌

善義塾 一在獨流鎮十善堂光緒十九年知縣

史善詒建由十善堂歲撥津錢一百二十千為經

費名元善義塾 一在獨流鎮與元善義塾相近

光緒十九年縣人夏永福捐建知縣史善詒照元

善義塾例由十善堂歲撥津錢一百二十千為經

費名福善義塾 一在北劉村光緒十九年縣人

高廷愷等捐建並歲捐津錢六十千為經費知縣

史善詒由十善堂歲撥津錢六十千津貼名萬善

義塾 一在瓦子頭村光緒九年村民創建知縣

陳以培由差徭項下歲撥津錢一百千又由村內

義利糧棧歲認捐錢一百二十千為經費通詳立

案名修善義塾 一在瓦子頭村光緒十九年慶

德興糧棧捐建照修善義塾例歲捐津錢一百二

十千名懋善義塾 一在城西門財神廟光緒十

九年縣人吳鳳如等因求免王官屯高官屯呂官

屯三村差徭公捐津錢九十四千文建設義學知

縣史善詒批准立案名同善義塾 一在良王莊

光緒十九年縣人陳治平等以每歲差徭應交津

錢五十千求建義學改供經費知縣史善詒批准

名明善義塾並置張吉人等河灘膏腴地招佃納

租歸十善堂儲用並津貼各義塾經費通詳立案

一在當城村光緒十九年縣人高偕堂等以每

歲差徭應交津錢一百二十千求建義學改供經

費知縣史善詒批准立案名樂善義塾 一在第

六堡光緒十九年署典史張鴻馨以縣人郝永盛

等每歲應交捕署雜差津錢六十千詳建義學改

供經費知縣史善詒批准立案名從善義塾 一

在唐官屯三官廟光緒十七年縣人康庶蕃等以

土地祠廢基捐資改建並請以慈雲菴靜園寺土

地祠三廢基出賃民房收租以供經費知縣史善

詒批准名至善義塾後自捐足錢一千串發商生

息每歲息錢一百二十千並資誠善義塾津貼通

詳立案 一在唐官屯藥王廟光緒十九年知縣

史善詒建名誠善義塾經費同至善義塾 一在

城內北街原係社學名義正義塾久廢同治九年

縣人李壽桐重修鄭士蕙建修義學碑記節錄原

欲設立義學聚貧養子訓迪之使不致墮落

年壽昌設疏親遠通感生前可敬蒲伏往弔約計

之願也爰買縣署西魯家街街口路東正房四間

東西房各二間價銀四百兩修繕一百兩為童

蒙誦讀之所而以八百兩按一分二釐發商生息

為延師脩金之用茲此舉雖祇數百金而其所

開風化者大矣哉古者家有塾黨有庠所以基養

正之聖功今之靜邑何如哉男當十歲上下四首

喪面裸戲如猿因戲而鬪傷其父母曲意袒護及

長點者匪愿者備不知孝弟罔顧廉恥李壽昌謂

矯慣幼孩以致人情日熾非無見而云然也今者

壽桐繼兄之志俾粉榆之社成人始而習齡日

侍於嚴師之前則獷野之性漸化忌憚之心漸生

即不必遽要科名而心中既以聖言為主自不致

外倫常而踰閑檢況推而擴之設義學者日眾

矣壽桐特其權輿耳靜邑不且如鄰魯也哉 光

重修天津府志卷三十五 學校 光緒戊戌

緒十八年知縣史善詒提歸官辦改名復善義塾

一在城西門三皇廟光緒十九年知縣史善詒

以復善義塾經費尙充增建名育善義塾 一道

署義學二處日會仁義塾培仁義塾光緒八年天

河道額勒精額建案

滄州

州學在城外西南隅明洪武初州判紀惟仁建宣

德六年知州劉謹學正潘振增修正統八年巡鹽

按州志御史丁澄鹽運使鄧裔知州上官儀重修

明陳循重修滄州文廟記節錄上自國都以至天

下州邑無不有學而滄州在畿內密邇輦轂尤為

至要學則在州治之東南三百餘步蓋自洪武之

初隨州治所遷者其地漢屬渤海郡唐改為滄州

屬河間郡州治舊在長蘆東四十里今所遷處即

長蘆也方州治之遷也百務並興故廟學之創略

取具而已後雖續有增葺然皆卑陋無足稱興

賢育才隆教化厚風俗之意正統庚申知州上官

儀下車首以爲患會比歲歉不得有爲又明年監

察御史吳興丁澄以按治畿內至滄州因謁廟學

見之咎其爲州者曰是顧非所當務耶於是與鹽

運使鄧裔率州長貳以及庶士與凡仕宦商賈於

是州者欣然聚財鳩工撤其舊而新之經始之日

又發地得銅錢數萬文足以助供役之費落成

於正統癸亥八月之望蓋距經始之期爲日凡百

五十有有五既落成之三年刑部侍郎馬公昂以少

常游是學爲具其事來屬文爲記因爲書之使凡

來從游於是者知廟學之所成不易而加勉焉以

不負都憲御史州官與 正德九年巡鹽御史余珊

學之意庶乎其可也

重修天津府志卷三十五 學校 光緒戊戌

重修明祝祥重修儒學記節錄滄州爲河間屬郡

正德辛未秋七月流賊橫行剽掠人民焚燒廬舍

儒學舊在滄州南門右橋星門明倫堂尊經閣儒

林坊俱火大成殿兩廡齋號公廡傾頽亦久矣西

巡按吳公徐公觀茲殘廢慨不已欲修而未暇

及甲戌巡按余公駐節於茲因謀於眾曰拜謁大

成進講明倫乃遵憲綱定制也既無瞻仰之儀又

無升降之階良可歎也適南京戶部尙書陽曲張

公致政寓居贊助其謀遂經營木石鳩集工役令

州守高慶星門明倫堂皆重建視舊規模宏敞其

重修天津府志

卷三十五

學校

光緒戊戌

及乃僚及守茲土者諒營度鳩工庀材殷勤庶
極以次修舉於時州之鄉先生咸樂義其事若
若商亦爭慕義以輸歷春徂夏將底厥成於時
使使者適按部行事郡伯司理暨諸邑令咸集
茲會觀其盛塗壁丹雘完美無缺因憶滄庠臨
負海左挹清衛右控津門人傑地靈於斯焉聚
無容補助於其間然飭几筵以受神重而儒以
教凡臣茲土者固未可諉曰美鍾自然而我無
能明於擢節愛養之術而民所治非財賦即簿
其爲聖人之徒也則大崇儒康熙五十年知州
學亦曰無忘其本始云爾
士銓學正賈即元重修乾隆七年知州徐時作學
正莊日榮增修道光二十六年知州李步瀛重修

城事急毀之城保閣廢州志

學額歲科試各取文童十八名歲試取武童十五

名廩膳生三十名增廣生三十名三年兩貢州志

考棚在城內張家街海書院內東光緒九年

重修天津府志

卷三十五

學校

光緒戊戌

知州趙秉恆州人劉鳳舞等公建州志稿趙秉
者滄州書院二一爲天門一卽今之渤海也州志
云天門書院有號房七十五間爲鹽院品諸生
之所又云
國朝雍正初升滄州爲直隸州知州董思任卽守禦
所廢址建學院學使按臨校士於中置考棚八十
楹其時拔取者鼎甲連綿位躋通顯人文之盛幾
輔首屈一指迨雍正九年滄州隸天津學院遂廢
天門書院因之俱廢惟渤海一院猶魯靈光歸然
獨存於今耳光緒庚辰夏余來牧是邦下車後時
晉紳耆講求文運因葺鍾樓以復形勝增義塾以
廣栽植建祠宇以勵忠貞所冀士習文風興復如
昨惟是校士之典尤重局試歷來鄉會則有棘園
功令所在莫此爲嚴亦莫此爲甚矧雲程發軔肇於
膠庠收令推轂尤宜慎始也哉方滄州全盛之時
童子試動輒盈千其時州治宏敞局試其間人皆
稱便及兵燹後州署無存官儼民居地頗狹隘彼
時大難初平應試者爲數無多猶易位置今則澄
清日久文運丕興一屆考期擔簦赴試者紛至而
權宜將事不惟限之於地勢不能容亦恐弊竇叢
生防閑非易一日者與諸紳耆再三籌畫以昔之
天門書院及學院廢址日久年湮不復可考乃於
渤海書院講堂後得空基一區南北長三十三弓
六分東西闊十五弓一分經營規畫形勢咸宜余
欣然曰得其所哉爰捐廉以爲之倡於講堂西建
文三楹額曰梯雲堂四圍環以甬道四十間北爲正
堂三楹額曰中爲甬道東西建大廡四間北爲正
牆牆東南隅開小門門東一院建北房三間爲試
官閱卷之所又東爲廚房二間鑪房二間興工於
癸未二月之吉至八月望日而落成斯舉也統計
工料費銀一千六百餘兩州紳劉韶儀聞之欣然
然樂與圖成其費余與韶儀二人同任之監修則
崔君唐輔總其成余君小瀛戴君普生陳君春寒
皆預焉從此文蔚起展風櫺寸晷之才無露處
終宵之苦芹香一采桂杏聯芳高步青雲拾級以
上則巍巍科第庶免滄海遺珠之歎豈不懿
與是又余與劉君韶儀所企望者焉是爲記

附旗童

滄州駐防旗童應試不由州官考送每遇歲科兩試願入應者本管佐領出具圖片送府府合州試一場別錄送院進額無定約十名內進一名亦不歸學官管轄此例開自嘉慶年間奉有部劄至今遵行采訪冊 嘉慶四年十月十八日禮部劄飭嗣後駐防省分凡遇歲科兩試如有情願赴考准其就近考試俟取進後再聽其赴京鄉試至童生赴考例應廩生保結但係初次考試尚未經設有廩生應由本佐領具結保送俟該處設有廩生保結之例停止

學田龐村地四十畝本官地為滄民侵隱明萬歷十二年知州張興行究實請作學田歲收租銀八

重修天津府志 卷三十五 學校 光緒戊戌

錢州志

又田二頃四十畝明鹽運使張雲翼置歲收租銀

十二兩同上

塞里莊田二頃五十畝順治三年置佃戶王鑽承

種歲納銀十二兩長蘆鹽法志

青縣守禦所地方彭家莊田一頃九十九畝三分

五釐六毫萬歷三十三年巡鹽御史余懋衡運同

馮學易知州何應彪置買東至滄州河西岸西至

高家莊南至楊家莊北至八里莊原田價銀九十

四兩九錢五分長蘆鹽法志 州志 明王顯仁置學田記節錄滄州舊無學田有之

自今日直指余公始我朝設鹽運司者六長蘆其一焉與州治同城而居每督鹽使者行部必先按蒞滄州以故士被陶成而沽思澤者視他郡邑尤深如燈油之給書院之建賑貸之頒諸所為作興而貽遠謀者匪一朝夕矣獨念學田未置無以植恆產課義金若干令創置學田會郡守何大夫初政方汲汲于品騰以作養人材為務遂捧檄色喜奉行恐後亦捐俸金若干連直指所發者共計金若干置學田若干畝召民佃種計畝收租如所謂困膏晷艱婚葬者咸取給焉事既竣諸博士弟子請記直指諱憚者咸取給焉事既竣諸博士弟子請記號乾所天台之臨海人大夫諱應彪號寓藩四明之慈谿人用是勒石以示永久且以防豪右之侵奪者萬歷三十三年建

馬廠地十三頃七十九畝本荒地乾隆十七年署

知州饒倬召墾收租為文武生員科舉費學正賈

重修天津府志 卷三十五 學校 光緒戊戌

三獲等定有條規勒石州志稿 北岸河身傍一

釐東至嶺子西至峯堆毛家莊科南至河北至隄

又北岸外東甜水窪地一段二頃三十畝東至嶺

子西至坑窪南至隄北至道又往西北一段一頃

八十畝東至溝坑西至荒地南至隄北至小胡家

口西甜水窪地一段三頃二十五畝東至荒地西

至毛家莊科峯堆外南至隄北至道南河岸身傍

地一段一頃二十畝東至嶺子東至寶姓地南

至隄北至河又南岸隄外一段三頃一畝六

分七釐東至河頭西至荒地南至荒地北至隄州

學正賈三獲訓導湯廷芳率合學文武生員謹議

立石

運學在城南河濱明萬歷二十年巡鹽御史黃卷題建二十一年罷改學為永保觀長蘆鹽法志 參州志天門書院在州署東明萬歷二十七年巡鹽御史

重修天津府志

卷三十五

學校

天

光緒戊戌

畢三才鹽運使何繼高知州盧廷選等創建今廢
州志明楊廷蘭天門書院記天門書院者予同
里畢誠叔甫之所經始也誠叔甫以權鹽使者巡
行畿之南北諸所肇畫者若豐國課時邊儲疏利
源通商旅業井井矣顧念畿輔入郡我國家規方
千里之地而生其間者多豐稔博智勇沈幾之
士究其所用真社稷之幹也夫國有可効之才而
不獲以士顯士有可以靖獻之日而不獲以學用
此無異故有司不素養之過也藉令乘有餘捐不
急以養士反經以示之趨羣萃州處以居之肆必
有出於其方而宣力王室者若榛栗杞梓然作之
屏之修之平之數十年後豈無茹其寶發其響者
乎乃下令有司諸守令博士弟子員皆言古者化
治文熙莫不崇儒置學猶悼序費不廣令得視精
華實息之地增置書院濟南閔子伏生河間毛公
董相及孔安國梁統諸人史冊爛焉其軼事可槩
見也晚近操之若束溼薪舍此不講矣若毛董諸
賢非此鄉之先物哉而諸商等不無浸淫乎嚮往
之也公遂捐俸相土鳩工庀材向離為門脩廣若

重修天津府志

卷三十五

學校

天

光緒戊戌

王侯百世皆虛語矣誠叔甫以學化士以士化天
下葆於未斷之樸澄於未汨之源豐綽博大智勇
沈幾也者斐然願化確然獨詣學得質而速肖質
得學而善成繼輔之地其將有大君子與其開乎
故非學不能使政教出於一非政教出於一不得
化民以成於學此誠叔甫嘉惠之微旨矣誠叔甫
誠心深識獨觀於昭曠其治雖臺之微旨矣誠叔甫
令在不具志其書院之本始如此院垂初會誠
叔甫按事竣直指使者慎修甫俱公往代院中事
宜諸所未憲者慎修甫之經飭也尤幸得撫臺夢
池李公主盟道學雅志作人聞是舉而悅之獨贖
錢如千為助兵備天津道許君錫甫協謀和基汪
蔚翔甫踵至營度周詳後先共濟適成樂育而運
使何君繼高董其事運同張君文奇判官尹君作
賓與有賢蹟滄州盧君廷選綜理最勞所當併記
蔡啟盛案此記州志失載特從前志備錄之
渤海書院在城內張家衛街嘉慶年間創建道光
二年知州潘國詔重修同治元年知州聯儒州人
戴作霖等復重修光緒九年知州趙秉恆州人劉
鳳舞等增修並建立考棚於內書院膏火由每年
地租及生息收銀七十三兩三錢一釐三毫收地
租京錢一千二百二十串零八十八文為院中
經費此外又有劉鳳舞捐助京錢四千串發商生
息三年合計分給諸生為鄉試公費知州駱孝先
定有條規勒石

州志

滄州書舍在城南運河南岸

州志

朱軾滄曲書

書舍者舊為滄州張延緒之別墅去郭二里許三
面距河廣七畝有亭翼然顏曰野雲怪松虬栢雜
以嘉木夏荷秋菊過而留題者無虛日歲雍正癸
卯予總試南宮得滄州李生之嶧越明年甲辰復

重修天津府志

卷三十五

學校

光緒戊戌

總試南宮得滄州李生之曄及來謁兄先弟後循循有規矩叩其所學以敦實行崇正學爲仔任著有敬業錄及儀制水利漕務蠲政諸條議洋洋灑灑從體認涵養中沈思融貫明體達用準乎古復酌乎今以之見諸敷施皆有成效予心竊嘉之然素性恬退不汲汲于仕進窮居奉母頗以孝聞又能仰體慈懷所學以甄陶後進其始于城居西南隅葺卽山房以資講習後從遊日集舍不能容三年乙巳春與張延緒改卜野雲亭捐資經始庀材鳩工建講堂三楹學舍五十餘間築山鑿池蒔花植樹不匝月落成一時負笈而來者近百人其訓迪多士也先器識後文藝循朱胡二公遺規大書勵學八則砥志以端趨向敦行以黜浮薄讀書以化氣質親賢以共切劘心欲虛以弘茹納形欲勞以重擔荷範身矩矱而比節于禮陶情吟咏而比和于樂凡三輔先達及兩關所得士莫不津津道之予每憾不獲躬履其地與諸生一討論也會隨怡邸視河過滄時李生之曄亦從予奔走河干延予停半日驂以啟牖多士初入講堂聯翩來調者蓋彬彬如也旋遊旁舍曲廊窮戶與花竹相掩映

天津府志 卷三十五 學校 三 光緒戊戌

閱其課程經書性理外以大學衍義爲根柢不攻制藝而文與詩皆斐然可觀李生旣從役其舅氏左方薰爲之董率諸生多所成就吾知此地之克昌也夫學須靜也才須學也靜極而動理數之恆予爲俯仰臺池周覽花樹會見芝九莖而蓮雙蒂也菊呈異彩而木生連理也其師表堪備國楨而衆材皆爲之幹也將接踵鸞湖媲美鹿洞則西河之流不竭東山泗水亦可溯源而尋源也予爲額其堂曰敬業樂羣復題一聯云無繩繫日這一寸光陰莫教任著他容易放過有路登天那幾層階級直須拚的我實地踏來李生勉之亦與同學諸多士共勉之可乎時雍正五年歲次丁未上元後五日

記

社學各坊里俱有社學選文行兼優儒童充社師
訓課蒙童今久廢

義學 一在城內東街康熙五十四年建舊通志

重修天津府志

卷三十五

學校

光緒戊戌

一在新縣鎮真武廟內康熙四十一年建州志
縣鎮重建真武廟并建義學碑記節錄備三傳君樂施予敬神明不吝百金之費遷元武廟於鎮北施地一頃二十畝以供神廟之香火余因以義學一事謀之於君君慷慨力任其事會鎮中有德望者數人立社積金共勸厥事建立講堂三間置學田三十六畝爲延師講學之資若非刻石以傳不朽不惟沒諸公之善且恐其久而輒廢也爰勒之碑以告來者康熙四十一年歲在壬午記

一在城內文明街道光八年天津府糧捕同知孫豫元知州潘國詔設州人王珣捐京錢五百千各紳共捐京錢二百五千每年收息一百五十千零歸儒學管理二十年知州張欽祖又於南門內關帝廟設義館又捐京錢三百千今俱廢州志

天津府志 卷三十五 學校 三 光緒戊戌

一在包公祠光緒六年樂字營統領丁德昌重建

州志稿 丁德昌包公祠義塾記祠內舊有義學歸鹽務裁去經費停止有年茲祠宇既新義學更不可廢爰撥款延師規復其舊學生以十二人爲率經費均由撥款無庸學生自出其餘本營欠餉暨前長蘆運司林自運庫開款項下籌銀六百兩德昌復捐銀一百七十餘兩購朱里口莊孝二里行糧地二頃二十四畝佃歲收租錢一百六十千文又經臬司丁捐助京錢八百千文交劉紳鳳舞收儲每月一分六釐行息歲得息京錢一百五十三千六百文擬歲奉塾師束脩京錢一百二十千茶炭等項京錢三十六千抵此款

外餘息歸祠公用光緒六年記

長蘆義塾光緒十二年批驗所大使王鳳岡建州志

稿 經費記略青靜滄鹽甯武交阜東光河開景州鹽商捐京錢一千二百千文又運憲發銀四百兩易京錢一千三百零四千文又津海關道憲捐銀一百七十兩零易錢五百千零會同州牧發當

商作為成本按月一分行息歲得息錢三百六十
千文遇閏加增擬每歲塾師脩金京錢各一百二
十吊節敬各十二千贊敬各四千每塾齋夫工食
各二十四千每年茶水及冬季煤炭朔望香燭約
各二十五千學中一切支應均由董事按季支送
不經吏胥手年終榜示造冊報查以此辦理交發
既有的款不難為繼庶期以垂久遠立學之初添
置書桌椅檯器具及生徒需用書籍筆墨紙張等
項均由批驗
所捐辦給發

道署義學在渤海書院講堂東名秉仁義塾光緒

八年天河道額勒精額建

值額公裕如觀察津沽政通人和百廢具舉因念
寒賤子弟無資供讀爰於津河兩府屬設立義塾
二十所延純謹士為之師每塾徒以二十人為率
給膏火創條規無非欲養其固有之天良而充其
本然之善也故義塾悉標以仁名俾知觸目驚心
各守乃性如天津之裕仁允仁靜海之培仁會仁

重修天津府志卷三十五學校

青縣之安仁滄州之秉仁南皮之瞻仁鹽山之陳
仁慶雲之敘仁河間之清仁獻縣之贊仁阜城之
祖仁肅甯之陶仁任邱之惠仁交河之繩仁南津
之保仁景州之景仁吳橋之佐仁故城之蔚仁東
光之永仁而其命名冠首之一字或取彼邑之舊
號新稱或因督建之人名姓字亦欲居是邦者顧
名思義不使經理之人設其慈祥之德耳迨額公
擢任長蘆運司恐各塾始勤終怠有名無實特屬
景清總司查察每歲周歷各塾詳加考稽以期核
實愈以見額公保惠之忱甄陶之雅所培植兩郡
寒儒贊我
國家樹人之化者當移任之初而益厘其懷矣今額
公以憂去官更籌鉅款為各義塾永業詳請立案
並命景清仍司其事務期歷久不廢又何其周詳
乃爾耶景清自顧何人受其重託敢不竭蹶圖事
致蹈誤人子弟之愆自茲以往惟願教者勤其海
學者敬其業司事者並清白乃心無虧其職庶不
負額公殷勤化導之苦衷而景清亦藉可告無罪
也已是
為記

南皮縣

縣學在縣東南隅元至大三年縣達嚕噶齊忽辛

縣尹司謙修建

廟學在焉舊制狹窄不能大聖人
之居至大三年夏監邑忽辛公蒞政謁廟見其卑
隘荒頓同縣尹司謙等議當大崇建築乃協心戮
力首出俸金為倡耆老百餘家節次津助委知營
造者寇輔等鳩工蕘事收市木植燒造值秋
大熟於農隙之月卜日營作民之丁壯願趨共役
監邑躬親督役於外風雨寒暑不恤司尹等計工
程度費用運助不已為戰門為講堂為學舍為垣
牆為兩廡次建大成之殿簷牙高啄柱石屹立枕
古塲瞰泮水望之者肅然生敬稱其制矣經始於
至大之秋休工於皇慶改元之夏自是輪奐一新
俾後之學者春秋釋奠 明永樂間知縣張通正統
朝夕仰瞻豈不偉哉

重修天津府志卷三十五學校

張瓘正德開河開府通判劉寶崇禎四年知縣藍

再茂俱重修

國朝順治十二年知縣吳之鎮十八年教諭韓燮珩

俱重修

湯鉉重修文廟碑記節錄庚子夏恆山韓
鐸南邑祇謁文廟見其掌唇崩牆碧疎脫準大懷
怔營棟仄之心遂邀集邑侯紀公中含捐俸首倡
以為質的韓先生自出囊金二百我紳士量程計
工各捐重貲共輸千有餘金故殿宇墻廡堂齋戟
門次第修舉自辛丑肇舉歷壬寅癸卯三歲始告
成焉於是橘星壁池荷廣在列登其殿者如入孔
室而聞金石絲竹之聲丹雘黼黻儼而高居瞻其
堂者如見聖人而親申如天之容其於古之庠
序亦幾無以異矣遂條次其事而 道光二十九年
鐸石於學宮之左以誌其盛云

知縣趙士桐教諭單維模訓導金聯甲重修